



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Statv Religionis Christianae, Per Evropam, Asiam,
Africam, Et Orbem Nouum, Libri IV.**

Le Mire, Aubert

Coloniae Agrippinae, 1619

Cap. LI. De Scotia.

urn:nbn:de:hbz:466:1-11108

CAPVT LI.

DE SCOTIA.

SCOTI, Britanniae insulae populus, circa annu 203. Christi doctrinam acceperunt, Victore I. Papa agente. Ad eosdem a Pelagiana haeresi liberandos postea Celestinus I. Palladium misit.

Ab isto tempore ad nostram vsque aetatem in auita fide perstitit Scotia; quam demum Ioannes Knoxus, cum suis, haeresi Calviniana foedissimè infecit, ac corruptit.

Scoti insigne habent Collegium Romae, quod subest directioni Patrum Societatis IESV.

In Scotia duae, vt in Anglia ab antiquo sunt Metropoles, *Sanct-Andreana & Glasguensis*; quibus XI. Episcopi sunt suffraganei.

SANCT-ANDREANO ARCHIEPISCOPO hi solent esse suffraganei,

Dunkeldensis.	<i>Dunckeld.</i>
Aberdonensis.	<i>Aberdin, Academia.</i>
Morauiensis prouinciæ Episcopus in opido Elgino residere solitus. <i>Mourra, Elgin</i>	
sue	<i>Elgym.</i>
	<i>Dum-</i>

Dumblanensis. *Dumblain.*

Brechinensis. *Brechin.*

Rossensis Prouinciæ Episcop. in opido
Chanriensi residere solitus. *Rosse, Chanrie.*

Cathanensis Prouinciæ Episcop. in opido
Dunrodeni residere solitus. *Cathnes,*
Dunroden, siue Dornok.

Orcadum insularum Episcop. in opido
Kirkuensi & Mainelandia insula reside-
re solitus. *Orcknay, Kirkyvaà, Mayne-*
lande.

GLASCVENNIS ARCHIEPIS.

per Sixtum IV. vt etiam Sanct-Andrea-
nus, an. 1471. est institutus.

Cui suffragantur,

Gollouidiæ Prouinciæ Episcop. in opido
Candidæ Casæ residere solitus. *Gallovvay.*
VVithory.

Lismorensis, in Argathelia Prouincia.
Lismor.

Hebridum, seu insularum ad Occidentem
Episcop. in insula & monasterio S. Co-
lumbi residere solitus, qui & Sodorensis
dicitur. *Illis, Colmkil.*

Ceterùm vt reliqui ferè orbis Episcopi
certas diœceses non habuerunt, antequam
Dionysius Rom. Pontifex circa annum 268.
eas distribuisset; ita Scotorum Episcopi mu-

H 5 nera

nera episcopalia, quocumq; essent loco, sine discrimine obierunt, vsq; ad Malcolmi III. Regis tempora, cum suis finibus ac limitibus circa annum 1070. diceceses fuerunt circumscriptæ. Decursu demum temporis hæc apud Scotos stabilita fuit hierarchia, vt duo essent Archiepiscopi, *Sanct-Andreas* & *Glascuensis*: quorum ille Primas totius Scotiae esset, & octo haberet Episcopos suffraganeos, tres verò Glascuensis: vt supra ostendimus.

CAPVT LII.

DE HIBERNIA.

Hibernia, Britannici Oceani insula, vulgò Irlandia, habet quatuor Archiepiscopatus, *Armachanum*, *Dublinensem*, *Cassiliensem* & *Tuamensem*, anno 1151. auctoritate Eugenij III. per Ioannem Paparonem, Legatum Apostolicum institutos vt tradit Baronius. Sed Camdenus ex Philippo Flateburiensi tradit illos anno 1152. institutos auctoritate Apostolica, per Christianum, Episcopum Lismoriensem, Hiberniae Legatum. Illud constat, fuisse olim in Hibernia sedes Archiepiscopales quatuor, Episcopales autem triginta & vnam aut circiter. Ceterum Reges Angliæ dicti fuerunt

Hiber-